

**Erhvervs- og Selskabsstyrelsimi nalunaaruteqarneq, nalunaarsuineq akitsuutit kiisalu  
tamanut saqqummiussisarneq pillugit Kalaallit Nunaannut nalunaarut  
(Nalunaaruteqarnermi nalunaarut)**

Aktieselskabit pillugit inatsimmi § 154, imm. 3-8, aamma § 161, imm. 5, Kunngip peqqussutaatigut nr. 620, 23. juni 2008-meersukkut Kalaallit Nunaannut atuuttussanngortinneqartoq, anpartsselskabit pillugit inatsimmi § 69, imm. 2-7, aamma § 79, imm. 2, Kunngip peqqussutaatigut nr. 619, 23. juni 2008-meersukkut Kalaallit Nunaannut atuuttussanngortinneqartoq, sulliviit inuutissarsiutitut ingerlatat ilaat pillugit inatsimmi § 2, imm. 3, oqaaseqatigiit pingajuat, § 10, imm. 7, oqaaseqatigiit aappaat, § 16, imm. 2-5, aamma § 23, imm. 2, Kunngip peqqussutaatigut nr. 622, 23. juni 2008-meersukkut Kalaallit Nunaannut atuuttussanngortinneqartoq, aningaasaateqarfiit inuutissarsiutitut ingerlatat pillugit inatsimmi § 60, imm. 2-5, § 61, imm. 3, aamma § 63, imm. 6, Kunngip peqqussutaatigut nr. 621, 23. juni 2008-meersukkut Kalaallit Nunaannut atuuttussanngortinneqartoq, ukiumoortumik naatsorsuusiortarneq pillugu inatsimmi § 156, Kunngip peqqussutaatigut nr. 625, 23. juni 2008-meersukkut Kalaallit Nunaannut atuuttussanngortinneqartoq, aamma aningaasarsiornermik ingerlatsineq pillugu inatsimmi § 23, imm. 1 aamma § 336, imm. 2, Kunngip peqqussutaatigut nr. 1252, 15. december 2004-meersukkut Kalaallit Nunaannut atuuttussanngortinneqartoq, naapertorlugit aalajangersarneqarpoq:

**Kapitali 1**

*Atuuffissaa*

**§ 1.** Nalunaarut makkununga ingerlatsivinnut atuuppoq, inatsisiliorneq naapertorlugu Erhvervs- og Selskabsstyrelsimi nalunaarsugassanngorlugit nalunaarutigineqartussat:

- 1) Aktieselskabit.
- 2) Aningaasarsiornermik ingerlatsiviit, aktieselskabiunngitsut, kisianni aktieselskabit pillugit malittarisassat malillugit nalunaarutigineqartussat aamma nalunaarsorneqartussat:
  - a) Soraarnerussutisiaqalernissamut aningaasaateqarfiit.
  - b) Sillimmasiisarfiit illugiissitat (gensidige forsikringsselskaber), aningaasarsiornermik ingerlatsiviit pillugit inatsimmi, Kunngip peqqussutaatigut Kalaallit Nunaannut atuuttussanngortinneqartoq, § 301-imi ilaatinneqartut eqqaasanngikkaanni.
  - c) Sipaagaqarnermik ingerlatsiviit (Sparevirksomheder).
- 3) Partnerselskabit (kommanditaktieselskabit).
- 4) Anpartsselskabit.
- 5) Ingerlatsiviit, sulliviit inuutissarsiutitut ingerlatat ilaat pillugit inatsimmi ilaatinneqartut.
- 6) Aningaasaateqarfiit inuutissarsiutitut ingerlatat.

**Kapitali 2**

*Nalunaaruteqarneq pillugu ataatsimut malittarisassat*

**§ 2.** Ingerlatsivinnik nalunaaruteqarneq Erhvervs- og Selskabsstyrelsip nalunaaruteqarnermi immersugassaataanni ingerlanneqassaaq. Pappialaatit, nalunaaruteqarnermut ilanngullugit nassiunneqartussat, qarasaasiakkut nassiunneqarsinnaapput.

*Imm. 2.* Nalunaarsuinerit ilaat nalunaaruteqartup nammineerluni qarasaasiaq aqputigalugu ingerlassinnaavai, kapitali 7-imi malittarisassat malillugit (Webreg).

**§ 3.** Nalunaaruteqarneq aamma pappialaatit, Erhvervs- og Selskabsstyrelsimut nassiunneqartussat, danskisut allassimassapput. Pappialaatit, danskisuumit allamiut oqaasii atorlugit oqaasertaliorneqarsimasut, akuerisaasumik nutsikkamik malitseqassapput. Taamaattorli nunat allamiut ingerlatsiviisa immikkoortoqarfiinut pisuni immikkut ittuni styrelsi tamanna pillugu piumasagaat atuutinngitsoortissinnaavaa.

**§ 4.** Ingerlatsiviup nalunaaruteqartoq piginnaatissavaa, Erhvervs- og Selskabsstyrelsimut naleqqiullugu ingerlatsivik sinnerlugu fuldmægtigitut atuuttut aamma nalunaarummik atsiornissamat.

**§ 5.** Nalunaaruteqartup Erhvervs- og Selskabsstyrelsimut akisussaaffigissavaa, Webreg aqputigalugu nalunaaruteqarneq nalunaarsuinerlu inatsisinut naapertuuttuunissaa, tamatumunnga ilanngullugu pisarnertut piginnaatitsissummik ilaqarnissaa, aamma pappialaatit nalunaarummumut ilanngullugit qarasaasiakkut nassiunneqartut, atorsinnaanissai.

*Imm. 2.* Styrelsip piumasarisinnaavaa, Webreg aqputigalugu nalunaaruteqarneq nalunaarsuinerlu inatsisinut naapertuuttuunera pillugu uppersaammik nassiussisoqarnissaa, tak. aktieselskabit pillugit inatsimmi §§ 156 a aamma 157 a, Kunngip peqqussutaatigut Kalaallit Nunaannut atuuttussanngortinneqartoq, anpartsselskabit pillugit inatsimmi § 72 aamma 74, Kunngip peqqussutaatigut Kalaallit Nunaannut atuuttussanngortinneqartoq, ingerlatsiviit inuutissarsiutitut ingerlatat ilaat pillugit inatsimmi § 12 aamma § 16, imm. 4, Kunngip peqqussutaatigut Kalaallit Nunaannut atuuttussanngortinneqartoq, aningaasaateqarfiit inuutissarsiutitut ingerlatat pillugit inatsimmi § 5, imm. 2, § 57, imm. 3, aamma § 60, imm. 4, Kunngip peqqussutaatigut Kalaallit Nunaannut atuuttussanngortinneqartoq.

*Imm. 3.* Imm. 1 aamma 2 taamatuttaaq atuutissapput, Webreg aqputigalugu tamanut saqqummiussassanngorlugit nalunaarutinik nassiussinermi, tak. § 25.

### Kapitali 3

#### *Aktieselskabit, anpartsselskabit, partnerselskabit aamma aningaasarsiornermik ingerlatsiviit pillugit nalunaaruteqarneq*

**§ 6.** Aktieselskabimik, anpartsselskabimik, partnerselskabimik imaluunniit aningaasarsiornermik ingerlatsivimmik pilersitsineq pillugu nalunaaruteqarnermi minnerpaamik makku ilanngunneqassapput:

- 1) Ingerlatsiviup aqqa aamma taaguutigisinnaasai allat.
- 2) Ingerlatsiviup najugaqarfia aamma angerlarsimaffittut kommunia.
- 3) Ingerlatsiviup pilersinneqarnermini ullua siunertaalu.
- 4) Ingerlatsiviup ukiumoortumik naatsorsuusiorfia aamma piffissaq naatsorsuusiorfia siulleq.
- 5) Aktieselskabip imaluunniit anpartsselskabi annertussusaa aamma akiliuteqarnermi periusaa kiisalu aningaasat naliusut annerussutigiunagaasa annertussusaat. Aningaasarsiornermik ingerlatsivinnut tunngatillugu taamatuttaaq aningaasaatit aalajangersimasut taaneqassapput (garantikapital, foreningsformue il.il.).
- 6) Pilersitsisut, siulersuisunut ilaasortat, pisortat, kukkunersuiusuisinnaasut aamma siulersuisunut ilaasortat, pisortat aamma kukkunersuiusut sinniisuisa aqqi tamaasa, atorffii najugaallu.

**§ 7.** Nalunaaruteqarnermi makku ilanngunneqassapput:

- 1) Pilersitsinermi uppersarsaat aamma pilersitsineq pissutigalugu pilersinneqartut uppersarsaataasinnaasut allat.
- 2) Aktieselskabinut tunngatillugu inassitsiterluni ataatsimeersuarnermit isumaqatigiinniarnermi protokollip assilineqarnera.
- 3) Aktiat anpartillu akilersimanerannut uppersarsaat. Aningaasarsiornermik ingerlatsivinnut tunngatillugu taamatutaaq aningaasaatit aalajangersimasut akilersimaneranut uppersarsaat.
- 4) Partnerselskabinut tunngatillugu (kommanditaktieselskabit) tamakkiisumik akisussaasullutik peqataasut aqqi tamaasa, atorfi, najugai aamma aningaasaliissuteqarsimasinnaaneri pillugit paasissutissat.

**§ 8.** Nunat allamiut aktieselskabiutaasa imaluunniit anpartselskabiutaasa immikkoortortaqrarfiinik pilersitsineq pillugu nalunaaruteqarnermi minnerpaamik makku taaneqassapput:

- 1) Nunat allamiut ingerlatsiviata aqqa, inatsisitigut ilusaa aamma angerlarsimaffia, ingerlatsiviup nuna angerlarsimaffigisaani nalunaarsuiffigisinnaasaq aamma nalunaarsorneqarnermi normua, ingerlatsiviup siunertaa, aningaasaliissutit aamma ukioq naatsorsuusiorfiusoq.
- 2) Immikkoortortaqrarfiup aqqa, najugaa aamma siunertaa.
- 3) Inummut allamut imaluunniit eqqartuussivimmi suliat suliarineqarnerisa nalaani nunami allami ingerlatsivimmuut immikkoortoaqrarfiimmullu pisussaatisinissamut piginnaatitaasut aqqi tamaasa, atorfi najugaallu, piginnaatitaanerallu qanoq aalajangersarneqarsimanerat.

*Imm. 2.* Nalunaarutiginninnermut ilanngunneqassapput:

- 1) Nunat allamiut ingerlatsiviata nunagisami inatsisit naapertorlugit piuneranut pisortatigoortumik uppersarsaat.
- 2) Nunat allamiut ingerlatsiviata pilersinneqarneranut isumaqatigiissut malittarisassallu.
- 3) Immikkoortoaqrarfiimmi ingerlatsisup piginnaatinneqarnera.
- 4) Ingerlatsiviup pineqartup nunagisaaniit pisortatigoortumik uppersarsaat, immikkoortoaqrarfiup nalunaarutigineqartup siunertaata assinganik siunertaqartoq kalaallit ingerlatsiviata nunami pineqartumi immikkoortoaqrarfik aqqutigalugu ingerlatsinissaanik uppersarsaasoq.

**§ 9.** Malittarisassat allannortinneqarpata imaluunniit pissutsit nalunaarutigineqarsimasut allannortinneqarpata, allannuinerit pillugit nalunaarut Erhvervs- og Selskabsstyrelsimi tiguneqareersimassaaq kingusinnerpaamik aalajangiunneqarnerisa kingorna sapaatip akunneri arfineq-marluk qaangiutsinnagit, inatsisiliornermi allatut aalajangiisoqarsimanngippat. Ukiumoortumik naatsorsuusiorfiusumik allannuineq pillugu nalunaaruteqarneq styrelsimi tiguneqareersimassaaq kingusinnerpaamik ukiumik naatsorsuusiorfiusup, allannortinneqartussat kissaatigineqartup naanerata kingorna qaammatit tallimat sapaatillu akunneri pingasut qaangiutsinnagit, taamaattorli piffissap allannuinerup naanerata kingorna qaammatit tallimat sapaatillu akunnerit pingasut qaangiutsinnagit. Ingerlatsivinnut, naalagaaffiup aktieselskabiutaanut, aamma børsimi nalunaarsugaasut ingerlatsivinnut malittarisassanik malinnaasunut, taamaattoq piffissarititaasoq qaammatit sisamat sapaatillu akunnerit pingasuupput. Oqaaseqatigiit aappaat aamma pingajui malillullugit piffissarititaasup qaangiunneratigut nalunaarut tiguneqarpat, nalunaarsuineq itigartinneqassaaq, tak. ukiumoortumik naatsorsuusiorneq pillugu inatsimmi § 15, imm. 4, Kunngip peqqussutaatigut Kalaallit Nunaannut atuuttussannortinneqartoq.

*Imm. 2.* Nalunaaruteqarnermut ilanngullugu nassiunneqassaaq allannuinerup inatsisitigut aalajangiunneqarneranut uppersarsaat. Malittarisassanik allanguinerni tamani

nassiunneqassapput malittarisassat ullulernerqarsimasut oqaasertaliornermi nutaami oqaasertaliorneq tamakkiisoq ilanngullugu.

*Imm. 3.* Ataatsimeersuarnissamik akuersissuteqarneq pillugu aalajangiinerit, tak. aktieselskabit pillugit inatsimmi 81 c, imm. 6, Kunngip peqqussutaatigut Kalaallit Nunaannut atuuttussanngortinneqartoq, aamma tigusinissamik neqerooruteqarnermut atatillugu, tak. aktieselskabit pillugit inatsimmi § 81 d, imm. 3, Kunngip peqqussutaatigut Kalaallit Nunaannut atuuttussanngortinneqartoq, siornatigut taamaattunik aalajangiinerit Erhvervs- og Selskabsstyrelsimut nalunaarutigineqassapput. Nalunaarut styrelsimi tiguneqareersimassaaq ataatsimeersuarnermi aalajangiussereernerup kingorna piaarnerpaamik. Nalunaaruteqarnermut ilanngullugu nassiunneqassaaq, aalajangiussinerup inatsisitigut aalajangiunneqarneranut uppernarsaat.

**§ 10.** Aktieselskabit pisussaapput Erhvervs- og Selskabsstyrelsi nalunaarfigissallugu, naalagaaffiup aktieselskabiutaasa malittarisassaannut ilaatinneqarunik, aamma malittarisassanit taakkukanit ilaatinneqarunnaarunik.

*Imm. 2.* Aktieselskabit pisussaapput Erhvervs- og Selskabsstyrelsi nalunaarfigissallugu, aktiaatitik, akiligassatik (gældsinstrumenter) imaluunniit pappiaraatitik nalillit allat fondsbørsimi imaluunniit Fællesskabip isumaqatigiissusiorfigisimasaani EU-mi ilaasortaasumi nunami niuerfimmi naleqqussagaasumi nalunaarsugaappata imaluunniit nalunaarsugaajunnaarpata imaluunniit tuniniarneqarpata.

#### Kapitali 4

*Inuussutissarsiutit ingerlatat ingerlatsiviit ilaat pillugit inatsimmi,  
Kunngip peqqussutaatigut Kalaallit Nunaannut atuuttussanngortinneqartoq,  
ilaatinneqartut ingerlatsiviit pillugit nalunaaruteqarneq*

**§ 11.** Inuussutissarsiutit ingerlatamik ingerlatsivimmik killilimmik akissussaaffilimmik pilersitsineq pillugu nalunaaruteqarnermi, tak. inuussutissarsiutit ingerlatat ingerlatsiviit pillugit inatsimmi, Kunngip peqqussutaatigut Kalaallit Nunaannut atuuttussanngortinneqartoq, §§ 1, 3 aamma 4, minnerpaamik makku taaneqassapput:

- 1) Ingerlatsiviup aqqa aamma taaguutigisinnaasai allat.
- 2) Ingerlatsiviup najugaa aamma angerlarsimaffittut kommunia.
- 3) Ingerlatsiviup pilersinneqarnermini ullua, siunertaa aamma malittarisassanut ulluliussaq kingulleq.
- 4) Ingerlatsiviup naatsorsuusiorfiusumik ukiua aamma piffissaq naatsorsuusiorfia siulleq.
- 5) Siulersuisunut, aqutsisunut imaluunniit taamaatut aqutsisunut ilaasortat aqqi tamakkiisut najugaallu.
- 6) Kina ingerlatsivik sinnerlugu pisisinnaatitaanersoq (Tegningsberettiget).

*Imm. 2.* Ukiumoortumik naatsorsuusiorneq pillugu inatsimmi, Kunngip peqqussutaatigut Kalaallit Nunaannut atuuttussanngortinneqartoq, § 3, imm. 1, nr. 4-mit ingerlatsivik ilaatinneqarpat, ingerlatsiviup kukkunerisuiorisinnaasaata aqqa najugaalu nalunaarutigineqassapput.

*Imm. 3.* Nalunaarummut ilanngunneqassapput ingerlatsiviup malittarisassai atuuttut tamatuminngalu inatsisitigut aalajangiussineq pillugu uppernarsaat (pilersitsinermi uppernarsaat ass.).

**§ 12.** Inuussutissarsiutit ingerlatat pillugit inatsit, Kunngip peqqussutaatigut Kalaallit Nunaannut atuuttussanngortinneqartoq, § 2, imm. 3, oqaaseqatigiit aappaat, naapertorlugu interessentselskabimik kommanditselskabimilluunniit pilersitsineq pillugu nalunaaruteqarnermi, nalunaarummi § 11, imm. 1-imi taaneqartut paasissutissat saniatigut makkuttaaq aamma taaneqassapput:

- 1) Ingerlatsivimmi akisussaasutut peqataasut aqqi, najugai aamma Erhvervs- og Selskabsstyrelsimi nalunaarsuinermi normu.
- 2) Ingerlatsiviup kukkunersiuisuata aqqa najugaalu.

*Imm. 2.* Nalunaarummut ilanngunneqassapput § 11, imm. 3-mi taaneqartut pappialaatit.

*Imm. 3.* Inuussutissarsiutit ingerlatat ingerlatsiviit ilaat pillugit inatsimmi, Kunngup peqqussutaatigut Kalaallit Nunaannut atuuttussanngortinneqartoq, § 10, imm. 7-imi ilaatinneqartinneqartunik interessentselskabimik imaluunniit kommanditselskabimik nalunaarsueqqinneq pillugu nalunaaruteqarnermi, nalunaarummi § 11, imm. 1-imi taaneqartut paasissutissat saniatigut makku ilanngunneqassapput:

- 1) Ingerlatseqatigiiffimmi akisussaasutut peqataasut aqqi, najugai aamma Erhvervs- og Selskabsstyrelsimi nalunaarsuinermi normua.
- 2) Ingerlatsivimmi aqutsisunut ilaasortat aqqi najugaalu.
- 3) Ukiumoortumik nalunaarusiamik nassiussinngitsoorsimanerup kingunerisaanik ingerlatsivik peerneqarsimappat, tak. inuussutissarsiutit ingerlatat ingerlatsiviit ilaat pillugit inatsimmi, Kunngip peqqussutaatigut Kalaallit Nunaannut atuuttussanngortinneqartoq, § 10, imm. 6, piffissamut amigaatigineqartumut ukiumoortumik nalunaarusiat nassiunneqassapput.
- 4) Ingerlatsivik piffissap ilaani kapitalselskabiusunik akisussaasutut peqataasoqarsimappat, kisiannili tamanna nalunaarutigineqarani, tamanna pillugu paasissutissat piffissamut amigaatigineqartumut nassiunneqassapput.

**§ 13.** Nunami allamiut kilillimmik akisussaaffillip immikkoortoqarfianik pilersitsineq pillugu nalunaaruteqarnermik minnerpaamik makku taaneqassapput:

- 1) Nunami allamiup ingerlatsiviup aqqa, inatsisitigut ilusaa, najugaa aamma nunagisami angerlarsimaffia, aamma nunagisami angerlarsimaffiani nalunaarsorsimaffigisimasinnaasaa aamma nalunaarsuinermi normua, ingerlatsiviup siunertaa aamma ukiumoortumik naatsorsuusiorfia.
- 2) Immikkoortoqarfiup normua, najugaa aamma siunertaa.
- 3) Nunat allamiut ingerlatseqatigiiffiinnut immikkoortoqarfiinnullu pisussaatisinissamut qanorlu pisussaanerup aalajangersarneqarnera pillugit inummut allamut eqqartuussinerulluunniit nalaani piginnaatitaasut aqqi tamaasa, atorfi aamma najugai.

*Imm. 2.* Nalunaarummut ilanngunneqassapput:

- 1) Angerlarsimaffittut nunagisami inatsisinut naapertuuttumik piuneranut nunat allamiut ingerlatseqatigiiffianik pisortatigoortumik uppernarsaat.
- 2) Immikkoortoqarfimmi pisortap piginnaatitaanera.
- 3) Nunami maani inatsisinut tunngasutigut pissutsit Kalaallit Nunaanni atuuttut, aamma Kalaallit Nunaanni eqqartuussiviit aalajangiineri ingerlatsivimmit malinneqarnissaat pillugu ingerlatsivimmit tunniunneqartoq nalunaarut.
- 4) Immikkoortoqarfiup nalunaarutigineqartup siunertaa assigalugu nunami pineqartumi immikkoortoqarfik aqutigalugu kalaallit ingerlatsivimmik ingerlatsinissaat pillugu uppernarsaassiisumik ingerlatsiviup pineqartup angerlarsimaffittut nunagisaanit pisortatigoortumik uppernarsaat.

**§ 14.** Malittarisassat imaluunniit pissutsit nalunaarutigineqartut allanngortinneqarpata, allannguutit pillugit nalunaarut Erhvervs- og Selskabsstyrelsimit tiguneqareersimassaaq, aalajangiunneqareernerisa kingorna kingusinnerpaamik sapaatip akunneri arfineq marluk qaangiutsinnagit, inatsisiliornikkut allatut aalajangiisoqarsimanngippat. Ukiumoortumik naatsorsuusiorfiusoq allanngortinneqarpata, § 9, imm. 1, oqaaseqatigiit aappaanniit sisamaanut taamatuttaaq atuutissapput.

*Imm. 2.* Nalunaarutiginninnermi ilanngunneqassapput allannguinerup inatsisitigut aalajangiunneqarneranut uppernarsaat (protokolip assilineqarnera assigisaaluunniit). Malittarisassanik allannguinnermi tamani ilanngullugit nassiunneqassapput malittarisassat ullulerneqarsimasut oqaasertaliornermi nutaami oqaasertat tamakkiisut ilanngullugit.

**§ 15.** Ingerlatsivik, inuussutissarsiutitit ingerlatat ingerlatsiviit ilai pillugit inatsimmi, Kunnigip peqqussutaatigut Kalaallit Nunaannut atuuttussanngortinneqartoq, § 2, imm. 3, oqaaseqatigiit aappaanni, § 3 imaluunniit § 4-mi ilaatinneqartoq, pisussaavoq Erhvervs- og selskabsstyrelsi nalunaarfigissallugu, aningaasaliissutai, taarsigassai (gældsinstrumenter) imaluunniit pappialat nalillit allat fondsbørsimi imaluunniit EU-mi ilaasortaasumi nunami imaluunniit nunami allami, Fællesskabip isumaqatigiissusiorfigisaani tuniniaavimmi naleqqussakkami nalunaarsorneqarpata imaluunniit nalunaarsugaajunnaarpata imaluunniit tuniniaagaappata.

## Kapitali 5

### *Inuussutissarsiutitit ingerlatat aningaasaateqarfiit pillugit nalunaaruteqarneq*

**§ 16.** Inuussutissarsiutitit ingerlatamik aningaasaateqarfimmik pilersitsineq pillugu nalunaaruteqarneq imaluunniit aningaasaateqarfiup inuussutissarsiutitit ingerlatanngorsimanera pillugu nalunaaruteqarneq, tak. aningaasaateqarfiit inuussutissarsiutitit ingerlatat pillugit inatsimmi, Kunnigip peqqussutaatigut Kalaallit Nunaannut atuuttussanngortinneqartoq, § 51, minnerpaamik makkuninnga imaqassaaq:

- 1) Aningaasaateqarfiup aqqa aamma taaguutigisinnaasai allat.
- 2) Aningaasaateqarfiup najugaa aamma angerlarsimaffittut kommunia.
- 3) Aningaasaateqarfip ulloq pilersinneqarfia, siunertaa aamma malittarisassiornermi ulloq kingullerpaaq.
- 4) Aningaasaateqarfiup ukiumoortumik naatsorsuusiorfia aamma piffissaq naatsorsuusiorfik siulleq.
- 5) Tunngaviusumik aningaasaatit annertussusaat, aamma aningaasanngorlugit imaluunniit nalilinnik allanik akilerneqarsimaneranut tunngasut.
- 6) Siulersuisunut ilaasortanut, pisortanut, kukkunersuiisunut aamma siulersuisunut ilaasortanut, pisortanut aamma kukkunersuiisunut sinniisussat aqqi tamaasa, atorfiit aamma najugaat.

*Imm. 2.* Nalunaarummut ilanngunneqassapput:

- 1) Aningaasaateqarfiup pilersinneqarneranut inatsisitigut tunngaviit (kingornussisussat, tunissutitit allakkat (gavebrev) allalluunniit).
- 2) Pilersitsinermut atatillugu pilersinneqartut malittarisassat aamma pappialaatit allat.
- 3) Tunngaviusumik aningaasaatit aalajangersarneqarsimasut aningaasaateqarfimmut akilerneqarsimaneri pillugu uppernarsaat.
- 4) Aningaasaateqarfiup inuussutissarsiutitit ingerlataanera pillugu uppernarsaat.
- 5) Aningaasaateqarfik pisortanit tapiiffigineqartarnerisooq, aamma pisortanit nakkutigisassaanersooq pillugit paasissutissat.

- 6) Aningaasaateqarfiit inuussutissarsiutitut ingerlatat pillugit inatsimmi, Kunngip peqqussutaatigut Kalaallit Nunaannut atuutinneqalersoq, § 51 malillugu aningaasaateqarfittut inuussutissarsiutitut ingerlatatut allanngortinneqassappat, ukiumoortumik naatsorsuutit kingulliit.

**§ 17.** Malittarisassat imaluunniit pissutsit nalunaarutigineqartut allanngortinneqarpata, allannguinerit pillugit nalunaarut Erhvervs- og Selskabsstyrelsimi tiguneqareersimassaaq kingusinnerpaamik aalajangiunneqarnerisa kingorna sapaatip akunneri arfineq marluk qaangiutsinnagit, inatsisiliornermi allatut aalajangiisoqarsimangippat. Ukiumoortumik naatsorsuusiortuusoq allanngortinneqarpat, § 9, imm. 1, oqaaseqatigiit 2 – 4-t taamatuttaaq atuuttissapput.

*Imm. 2.* Nalunaarummut ilanngunneqassaaq allannguinerup inatsisitigut aalajangiunneqarneranut uppersaat. Malittarisassanik tamanik allannguinermi oqaasertaliornermi nutaami oqaasertanut tamakkiisunut malittarisassat ullulerneqarsimasut ilanngullugit nassiunneqassapput.

## Kapitali 6

*Nalunaarsuineq, akitsuutinik akileeqqusinermut aamma tamanut saqqummiussineq il.il. pillugit malittarisassat ataatsimoorussat*

**§ 18.** Paasissutissat nalunaarutigineqartut pilersitsinermilu uppersaat imaluunniit malittarisassat il.il. Erhvervs- og Selskabsstyrelsimi nalunaarsorneqassapput, nalunaarutigineqartut inatsisiliornermut naapertuuppata. Tamanna aamma atuuppoq nalunaarutitut il.il., inatsisiliornermi malittarisassat malillugit nalunaarsuinissaq imaluunniit tamanut saqqummiinissaq siunertaralugu nassiunneqartunut.

*Imm. 2.* Nalunaaruteqarnermi immersuiffissaq nalunaarutigineqartunik pissutsinik arlalinnik allannguinerinik imaqarpat, ataatsimoorullugit imaluunniit immikkoortillugit nalunaarsorneqassapput.

*Imm. 3.* Ingerlatsiviit tamarmik nalunaarsorneqarnermi normulerneqassapput. Nalunaarsorneqarnermut ulloritinneqartoq nalunaarsuiffimmi allanneqassaaq.

**§ 19.** Nalunaarsuisoqareerpat, nalunaarsuinerit uppersaat, paasissutissat nalunaarsorneqarsimasut assilinqarneri aamma ilanngussaq 1 malillugu aalajangersarneqartut akit malillugit nalunaarsukkanut akitsuutilikkanut nalunaaruteqartumut akileeqqusissutit nassiunneqassapput.

*Imm. 2.* Akiliinissamut piffissarititaasoq qaangerneqarpat, ilanngussaq 1-imi taaneqartut aningaasanik akileeqqusinermut akitsuummik akiliisitsoqassaaq Erhvervs- og Selskabsstyrelsimi akileeqqusinermut atatillugu aningaasartuutaanut matussutissamik. Nalunaarsuineri akitsuut akileeqqusinermik akitsuummik ilaqartoq suli akilerneqangippat, akitsuummik piumasaqaat akiliisitsiniartarfimmut nassiunneqassaaq.

*Imm. 3.* Akitsuutsinik akiligassaqartoqalerpat nalunaarutitut nutaanut nalunaarsuineri akitsuut siumut akilerneqarnissaat piumasarineqassaaq, akitsuutitut akiligassat akilerneqarnissaasa tungaanut.

*Imm. 4.* Nalunaarutiginninneq nalunaarsuinerimik kinguneqangippat, akitsuut akilerneqassanngilaq. Akitsuut siumoortumik akilerneqarsimasinnaasoq utertinneqassaaq.

**§ 20.** Erhvervs- og Selskabsstyrelsi nalunaarsuinerit amigaataasunut imaluunniit kukkusumik nalunaarsuinerit akisussaannngilaq, nalunaaruteqartup atugarisaata kingunerisaanik kukkunernik

pissuteqartunut, tamatumunnga ilanngullugu qarasaasiakkut nalunaarsuinerit imaluunniit webreg aqutigalugu nalunaarsuinerit atatillugu pissutsinut, aamma qarasaasiakkut nassiussinermi kukkunernut imaluunniit kukkunernut allanut, avataaniit ajoqusersuinerit pissuteqartut aamma isasoernerit imaluunniit styrelsip qarasaasiaatigut ajoqusersuinerit allat.

**§ 21.** Nalunaarsuinerit, naliliinernik nalunaarusiat, kattunnissamut pilersaarutit, agguataarnissamik pilersaarutit aamma naliliisartunit aalajangersakkat il.il., inatsisiliorneq naapertorlugu Erhvervs- og Selskabsstyrelsimi tamanut saqqummiunneqartussat, Atugagdliutit aqutigalugit aamma Erhvervs- og Selskabsstyrelsip nittartagaatigut [www.cvr.dk](http://www.cvr.dk)-kut tamanut saqqummiunneqassapput.

*Imm. 2.* Nalunaarsuinerit il.il., Atugagdliutini aamma [www.cvr.dk](http://www.cvr.dk)-kut tamanut saqqummiunneqartut, inuup allap ilisimaligaattut naatsoorsuunneqassapput.

## Kapitali 7

*[www.cvr.dk](http://www.cvr.dk) aamma [www.webreg.dk](http://www.webreg.dk)*

*Webreg aqutigalugu nalunaarsuineq il.il.*

**§ 21.** Kinaluunniit Erhvervs- og Selskabsstyrelsimik isumaqatigiissuteqareernikkut isumaqatigiisummi atugassarititaasut aalajangersarneqartuni, taamaattorli tak. imm. 2, [www.cvr.dk](http://www.cvr.dk)-mi paasissutissanut uppersaatinullu akitsuusikkanut isersinnaatitaavoq.

*Imm. 2.* Erhvervs- og Selskabsstyrelsip aalajangersinnaavaa, [www.cvr.dk](http://www.cvr.dk) aqutigalugu paasissutissanut uppersaatinullu akitsuusikkanut atuisut isersinnaanerit, tak. ilanngussa 2, qarasaasiakkut akiliutit atorlugit akiliuteqartoqarnissaanik piumasaqaatitaqassasoq.

**§ 23.** Atieselskabi imaluunniit anpartsselskabi, ingerlatsiviit, ingerlatsiviit inuussutissarsiutit ingerlatat ilaat pillugit inatsit, Kunngip peqqussutaatigut Kalaallit Nunaannut atuuttussanngortinneqartoq, naapertorlugu nalunaarsugaanissamut pisussaasut, aningaasaateqarfik inuussutissarsiutit ingerlataq imaluunniit ingerlatsivimmit imaluunniit suliffeqarfimmit piginnaatinneqartoq inuk, Webreg aqutigalugu nalunaarsuisinnaavoq, tak. § 2, imm. 2, ingerlatseqatigiiffik imaluunniit pineqartoq:

- 1) Erhvervs- og Selskabsstyrelsimit atuisutut akuerisaappat, aamma
- 2) Erhvervs- og Selskabsstyrelsimik isumaqatigiissuteqarsimappat, Webreg-imik atuinnermut erseqqinnerusumik naleqqussaasuusoq, imaluunniit
- 3) Erhvervs- og Selskabsstyrelsimit akuerisaasumik qarasaasiakkut atsiormik atuippat.

*Imm. 2.* Aktieselskabini, anpartsselskabinilu, Finanstilsynimit nakkutigineqartuni, imaluunniit Finanstilsynimit akuerineqarnikkut ingerlataqarneq ingerlanneqarsinnaappat, Webreg aqutigalugu nalunaarsuisoqarsinnaanngilaq, taamaattoq tak. § 25, imm. 5.

*Imm. 3.* Imm. 1 taamatuttaaq atuutissaaq Webreg aqutigalugu tamanut saqqummiussassanik nalunaarutinik nassiussinermi.

**§ 24.** Webreg aqutigalugu nalunaarsuineq pilersitsisunit ingerlanneqarsinnaapput kiisalu nalunaarsugaareersuni allannginerit, Webreg aqutigalugu nalunaarsuinerit passussinissamut styrelsip qarasaasiakkut aqqissuussinertik ineriartortissimaneraa apeqqaatillugu.

*Imm. 2.* Webreg-imut immiussinerit Webreg-imik aqqissuussinermi takuneqarsinnaasut naapertorlugit ingerlanneqassapput.



**§ 25.** Webreg aqqutigalugu nalunaarutinik tamanullu saqqummiussisarneq pisinnaavoq, Webreg aqqutigalugu taamaattunik nalunaarutinik passussinissamut styrelsip edb-imik aqqissuussinermik ineriartortitsisimanera apequtaatillugu.

*Imm. 2.* Ingerlatsivinni, tigumminnittut aktiaatilinni, Erhvervs- og Selskabsstyrelsip qarasaasiakkut paasissutissiisarfiaatigut, tak. aktieselskabit pillugit inatsimmi § 73, imm. 2, oqaaseqatigiit pingajuat, Kunngip peqqussutaatigut Kalaallit Nunaannut atuuttussanngortinneqartoq, ataatsimeersuarnissamut aggersaaneq pissaaq Webreg aqqutigalugu.

*Imm. 3.* Danskisuunngitsut oqaatsit allat atorlugit, tak. aktieselskabit pillugit inatsimmi § 154, imm. 7 aamma anpartsselskabit pillugit inatsimmi § 69, imm. 5, Kunngip peqqussutaatigut Kalaallit Nunaannut atuuttussanngortinneqartut, ingerlatsiviit pillugit paasissutissanik tamanut saqqummiussineq pissaaq Webreg aggutigalugu.

*Imm. 4.* Webreg-imut immersuineq pissaaq Webreg-imi aqqissuussinermi takuneqarsinnaasoq naapertorlugu.

*Imm. 5.* Aktieselskabit aamma anpartsselskabit, Finanstilsyn-imiit nakkutigineqartut, imaluunniit Finanstilsynimit akuerineqarnikkut taamaallaat ingerlatsisoqarsinnaasoqartillugu, tamanut saqqummiussassanik nalunaarutinik nassiussinermi Webreg atorsinnaavaat, tamatumunnga ilanngullugu ingerlatsivinni, tigumminnittut aktiaatilinni, ataatsimeersuarnissamut aggersaaneq.

**§ 26.** Webreg aqqutigalugu nalunaarsuineri aamma nalunaarusiornermi atuisup qarasaasiakkut atsiornera atorneqassaaq, Erhvervs- og Selskabsstyrelsi allatut aalajangiisimanngippat.

*Imm. 2.* Styrelsi tunngavilersukkamik pasitsaasaqarpat Webreg aqqutigalugu nalunaarsuinissamut, nalunaarusiornissamut imaluunniit tamanut saqqummiussinissamut isissummik atornerluisoqartoq imaluunniit atornerluisoqarniartoq, styrelsi piginnaatitaavoq, tamatumunnga atuisup isissutaanik ingerlaannartumik atuutilersumik matusinissamut.

## Kapitali 8

### *Tamanut saqqummiussisarneq il.il. ataatsimut aalajangersakkat*

**§ 27.** Ingerlatsivinni pappialaatit, Erhvervs- og Selskabsstyrelsimiittut, kikkunnulluunniit ammapput. Taamaattorli pappialaatit makku pineqanngillat:

- 1) Inummut tunngasut pissutsit pillugit pappialaatit.
- 2) Naatsorsuutit, inatsit naapertorlugu tamanut saqqummiussassaannngitsut.
- 3) Anpartsselskabit pillugit inatsimmi siusinnerusukkut malittarisassaaq § 52, Kunngip peqqussutaatigut Kalaallit Nunaannut atuuttussanngortinneqartoq, aamma siusinnerusukkut anpartsselskabit pillugit inatsimmi § 85 a, Kunngip peqqussutaatigut Kalaallit Nunaannut atuuttussanngortinneqartoq, malillugu aningaasanik annaasat pillugit suliat ilaanni pappialaatit.
- 4) Aningaasaateqarfiit inuussutissarsiutitut ingerlatat niuernikkut ingerlatai aamma ingerlatsinermut tunngasut assigisaaluunniit, styrelsip aningaasaateqarfimmi oqartussaasutut pigisai, aningaasaateqarfiit inuussutissarsiutitut ingerlatat pillugit inatsimmi § 57, imm. 3, Kunngip peqqussutaatigut Kalaallit Nunaannut atuuttussanngortinneqartoq, aningaasaateqarfimmut aningaasaqarnikkut annertuumik pingaaruteqarpat, paasissutissat allagaatinik takunnissinnaatitaanermi ilaatinneqannginnissaa, tak. aningaasaateqarfiit inuussutissarsiutitut ingerlatat pillugit inatsimmi § 61, imm. 2, Kunngip peqqussutaatigut Kalaallit Nunaannut atuuttussanngortinneqartoq.

*Imm. 2.* Aningaasaateqarfimmut inuussutissarsiutitut ingerlatanut tunngatillugu imm. 1, oqaaseqatigiit siullerni malittarisassaaq taamaallaat atuutissaaq, styrelsi ima aalajangiussaqqarpat:

- 1) Aningaasaateqarfiit inuussutissarsiutit ingerlatat pillugit inatsimmi § 37, Kunngip peqqussutaatigut Kalaallit Nunaannut atuuttussanngortinneqartoq, malillugu aningaasaateqarfimmi pissutsit pillugit paasissutissat tunniutissallugit styrelsip kukkunersiuisumut naalakkiutai.
- 2) Aningaasaateqarfiit inuussutissarsiutit ingerlatat pillugit inatsimmi § 59, imm. 4, Kunngip peqqussutaatigut Kalaallit Nunaannut atuuttussanngortinneqartoq, malillugu nalunaarusiaq misissuisartut tunniussassaar.

**§ 28.** Pappialaatit, Erhvervs- og Selskabsstyrelsimi tamanit iserfigineqarsinnaasut, piumasaqarnikkut styrelsip ammanerani misissuataarneqarsinnaasut.

*Imm. 2.* Ingerlatsivik pillugu nalunaarsuiffiup paasissutissaataasa assilineqarnerat aamma pappialaatit mikrofilmertarisinnaasaasa assilineqarnerat, tamanit iserfigineqarsinnaasut, styrelsimi pineqarsinnaapput.

*Imm. 3.* Erhvervs- og Selskabsstyrelsip aalajangersinnaavaa, mikrofilmit assilineqarneri styrelsimi inissimasunit assiliissutinit nammineerluni tiguneqarsinnaanerata pillugu.

*Imm. 4.* Erhvervs- og Selskabsstyrelsip aalajangersinnaavaa, ingerlatsiviit arlallit pillugit paasissutissat tamanut saqqummiunneqarsinnasut tamarmik aalajangersimasulluunniit immikkut isumaqatigiissuteqarnikkut imaluunniit styrelsip malittarsissiaat nalinginnaasut naapertorlugit maskiinat atorlugit pineqarsinnaanerata pillugu.

*Imm. 5.* Imm. 1-4-mi ilaatinneqartut paasissutissanut, aamma [www.cvr.dk](http://www.cvr.dk)-mik atuinnermut ilanngussaq 2-mi akit malillugit akitsuut akilerneqassaaq. Akitsuut tullertut akileqquneqassaaq, taamaattoq tak. § 22, imm. 2. § 19 taamatulli atuutinneqassaaq.

## Kapitali 9

### *Maalaaruteqarsinnaanermut ataatsimut aalajangersakkat*

**§ 29.** Matumani nalunaarut naapertorlugu Erhvervs- og Selskabsstyrelsip aalajangigai, Erhvervsankenævni- maalaarutigineqarsinnaapput pineqartup nalunaarfigineqareernerata kingorna kingusinnerpaamik sapaatip akunneri arfineq marluk qaangiutsinnagit, taamaattoq tak. imm. 2.

*Imm. 2.* Aalajangiinerit, Erhvervs- og Selskabsstyrelsip aningaasaateqarfimmi oqartussaasut aalajangiineri allaffissornikkut qulliunerusumut ingerlateqqinneqarsinnaanngillat, tak. aningaasaateqarfiit inuussutissarsiutit ingerlatat pillugit inatsimmi § 62, imm. 2, tak. § 57, imm. 1, oqaaseqatigiit siulliit, Kunngip peqqussutaatigut Kalaallit Nunaannut atuuttussanngortinneqartoq.

## Kapitali 10

### *Pineqaatissiinerit*

**§ 30.** Pinerluttulerinermik inatsit malillugu allatut pillaatissiisoqanngippat, Webreg aqutigalugu qarasaasiakkut nalunaaruteqarnissamut nalunaarsuinissamut isissummik atornerluisoq akiligassinneqassaaq, tak. §§ 2, 4, 5 aamma 24, qarasaasiakkullu atsiormik atornerluineq, tak, § 26.

## Kapitali 11

*Atuutilerfissaa il.il.*

§ 31. Nalunaarut atuutilissaaq ulloq 1. august 2008-mi.

*Erhvervs- og Selskabsstyrelsi, ulloq 10. juli 2008.*

OLE BORNEDAL

/Grethe Krogh Jensen